

## SCRIPT OF MORNING GOJRI NEWS BULLETIN 1JAN 2026 1015HRS

مارننگ گوجری نیوز بولیٹن 1 جنوری 2026

\*\*\*\*\*

یوہ آکاشوانی جموں ہے عبدالرحمان تیں خبر سُنو۔

\*\*\*\*\*

### NEW YEAR GREETINGS

لیفٹیننٹ گورنر منوج سنہا ، وزیر اعلیٰ عمر عبداللہ، نائب وزیر اعلیٰ سریندر کمار چودھری تے وزراء سکینہ اتو۔ ستیش شرما نے نواں سال غا موقع ور جموں کشمیر غی عوام نانہ مبارک باد دتی ہے۔ اپنا پیغام مانہ لیفٹیننٹ گورنر منوج سنہا نے نواں سال غا موقع ور تمام شہریاں نانہ دلی مبارک باد تے نیک خواہشات پیش کی ہیں۔ انہاں نے کہیو ہے جے نواں سال غی خوشی مہاری زندگی مانہ نویں امید تے مواقع لے غے آئیں۔ وزیر اعلیٰ عمر عبداللہ نے وی جموں کشمیر غا لوکاں نانہ نواں سال غی گرم جوشی سنگ مبارک باد دتی ہے تے آن آلا سال مانہ امن و خوشحالی تے اچھی صحت غی دعا کی نائب وزیر اعلیٰ سریندر چودھری تے وزراء سکینہ اتو وستیش شرما نے وی نواں سال غا موقع ور عوام نانہ دلی مبارک باد پیش کی ہیں۔

\*\*\*\*\*

### CENTRAL ALLOCATION

مرکزی زیر انتظام علاقہ جموں کشمیر واسطے ایک بڑی راحت غا طور ور مرکزی حکومت نے وزارت داخلہ غی سفارشات ور عمل کرتا واں متاثرہ ضلعان مانہ تباہ شدہ عوامی بنیادی ٹہانچہ غی تعمیر نو تے آفات سنگ نمڑن غا اقدامات غا نفاذ واسطے 1 ہزار 4 سو 30 کروڑ روپیاں تیں زیادہ رقم غی منظوری دتی ہے اس اہم پیش رفت غو انکشاف چیف سیکرٹری اٹل ٹلو غی صدارت مانہ منعقدہ ایک اعلیٰ سطحی جائیزہ میٹنگ غے دوران ہوو ہے جس مانہ تمام انتظامی سیکرٹریاں نے شرکت کی یاہ میٹنگ اصلاحات ور مبنی اہم مالی اقدامات جس طرح کہ مرکز غے زیر انتظام علاقہ واسطے خصوصی معاونت برائے سرمایا جاتی سرمایا کاری تے ایس این اے سپریش غی پیش رفت غو جائیزو لین واسطے منعقد کی گئی تھی۔

\*\*\*\*\*

### CRIME REPORT JAMMU

جموں مانہ سخت حفاظتی و جرائم ور قابو پان غا اقدامات نافذ رہیا جت پولیس نے سال 2025 غے دوران 5 سو 41 کیرہ بندی تے تلاشی اپریشن و۔ 1 ہزار 93 طویل فاصلہ غی گشت انجام دتیں جد کہ ضلع مانہ کسے وی فعال دہشت گرد غی موجودگی غی اطلاع نہیں ملی۔ اس بارے ایک اعلیٰ پولیس افسر نے دسیو سالانہ جرائم تے حفاظتی جائیزو پیش کرتا واں سنئیر سپرٹنڈنٹ آف پولیس جموں جوگیندر سنگھ نے کہیو ہے سال غے دوران 4 ہزار 1 سو 34 پہلی اطلاعاتی رپوٹ یعنی ایف۔آئی۔آر درج کی گئیں ہیں جہڑی کہ پچھلے 5 براں مانہ سب تیں کہٹ تعداد ہے تے موثر احتیاطی پولسنگ غی عکاسی کرے۔

\*\*\*\*\*

## CRIME REPORT KATHUA

سال 2025 مانہ ایک بڑی کامیابی کا طور پر کٹھوعہ پولیس نے 39 سرگرم کار کُناں غی نشاندہی کی تے اُن وچوں 18 غے خلاف عوامی تحفظ قانون غے تحت کاروائی کی سالانہ جرائم رپورٹ پیش کرتا واں ایس ایس پی کٹھوعہ موہتا شرما نے دسیو جے سال 2025 غے دوران عسکریت پسنداں 44 مقدمہ درج کیا گیا 7 گرفتار یں غا عمل مانہ اُنیں تے کٹھوعہ ضلع مانہ 2 دہشت گرداں نانہ ہلاک کیو گیو۔

\*\*\*\*\*

## JMC GARBAGE CHALLENGE

جموں میونسپل کارپوریشن نے شہر نانہ صاف ستھرو تے زیادہ ذمہ دار بنان واسطے 24 گھنٹہ گندگی آلی جگہاں غی پہچان بارے مہم شروع کی ہے۔ ہُن شہری گندگی آلی جگہاں غی نشاندہی کرسکیں تصویر لے سکیں تے جموں میونسپل کارپوریشن نانہ اطلاع کرسکیں۔ حُکام نے یقین دوايو ہے کہ اطلاع ملن تیں فوراً بعد 24 گھنٹاں غے اندر اُن جگہاں غی صفائی کردتی جے غی۔ اس قدم غو مقصد عوام نانہ جموں نانہ صاف رکھن مانہ شامل کرنو ہے۔ شکایات جے ایم سی ایپ غے ذریعے، کیو آر کوڈ غے ذریعے یا ہیلپ لائن نمبر 1800-180-7207 ور فون غے ذریعے درج کرائی جاسکے۔ جے ایم سی نے تمام شہریاں تیں ایپل کی ہے کہ اس مہم مانہ حصو لیں تے شہر نانہ صاف رکھن مانہ اپنو تعاون کریں۔

\*\*\*\*\*

## PILGRIM RUSH SMVD

سال غا آخری دن شری ماتا ویشنو دیوی مندر مانہ عقیدت منداں غی خاصی پھیڑ دیکھی گئی، جت ہزاراں غی تعداد مانہ عقیدت مند نوا سال تیں پہلاں درشن واسطے پُجیا۔ انتظامیہ نے یاترا غا رستہ تے بھون مانہ عقیدت منداں غی سہولت تے حفاظت واسطے مکمل انتظامات کیا ہیں۔ حفاظتی اہلکار، طبی عملو تے پھیڑ ور قابو کرن آلا عملہ غی تعیناتی کی گئی ہے۔ اعلیٰ پولیس افسر تے انتظامی افسر سی۔سی۔ٹی۔وی، کیمرا غے ذریعے صورتحال ور نظر رکھیا وی ہیں۔ زیادہ پھیڑ غے باوجود وی یاترا پُرامن تے سکون نال جاری ہے۔ تاہم یاتریاں غی بہت زیادہ آمد غے باعث کل شام تھوڑہ دیر واسطے یاترا نانہ عارضی طور ور روکیو گیو تھو۔

\*\*\*\*\*

## YEAR ENDER REFORMS

سال 2025 مانہ اس واسطے وی یاد کی وجے غو کہ بھارت نے اپنی قومی سلامتی غی پالیسی نانہ مضبوط تے واضح انداز مانہ نوا سرے تیں متعین کیو۔ وزیر اعظم نریندر مودی غی قیادت مانہ بھارت نے یوہ پیغام دتو کہ اس غا شہریاں ور ہون آلا حملاں غو جواب ہُن صرف برداشت کرغے نی بلکہ تیز درست تے فیصلہ کُن کاروائی تیں دتو جے غو۔ وزیر اعظم مودی نے دہشت گردی غے خلاف جن اصولاں نانہ پیش کیا اُنہاں نانہ دہشت گردی ور 5 نوا معمولات کہیو جے۔ دہشت گرد حملاں غو سخت جواب، کسی وی حملہ غو بھرپور تے فیصلہ کُن جواب دتو جے غو۔ جوہری تمکی نانہ برداشت نہ کرنو، جوہری تمکی بھارت نانہ دہشت گرداں غا ٹھکانہ ور کاروائی کرن تیں نہیں روک سکتی۔ دہشت گرد تے سرپرست مانہ فرق نہیں، دہشت گرداں تے اُن غی مدد کرن آلاں نانہ یکساں طور ور ذمہ دار ٹھہرایو جے غو۔ گل بات مانہ دہشت گردی اولین موضوع، اگر کوئی گل بات وے غی تاں

صرف دہشت گردی تی ں متعلق معاملات ور وے غی-خود مختاری ور کوئی  
سمجھوتو نہیں، دہشت گردی تیں گل بات نہیں چل سکتی، دہشت گردی تے تجارت  
ایک نال نہیں چل سکتی۔

\*\*\*\*\*

## WEATHER

جمعات نانہ ہلکی بارش نے جموں غا لوکان نانہ خشک موسم تیں کُجھ راحت دتی  
تے گرتا واں درجہ حرارت مانہ معمولی بہتری آئی ہے۔ جموں خطہ غا کئی پہاڑی  
علاقاں مانہ تازہ برف باری ہوئی، جد کہ جموں شہر تے اس غے آس پاس غے  
علاقاں سمیت کُجھ میدانی حصاں مانہ، ہلکی پھوار پیی، تاہم اس غو اثر محدود رہیو  
۔ جموں مانہ ہون آلی ہلکی بارش نے طویل عرصہ تیں جاری خشک تے سرد  
موسم غے بعد عوام تے کسان واسطے راحت فراہم کی ہیں۔ موسمی پیش گوئی غے  
مطابق آن آلا دنان مانہ مزید بارش غا امکان ہیں جس تیں حالات مزید بہتر ہوسکیں۔

\*\*\*\*\*